

INUIT ATAQATIGIIT INATSISARTUNI



UKA2022/123

28.09.2022

Harald Bianco

**Uunga siunnersuut: "Nuup kiisalu Qasigiannuit Aasiaallu
pilersorneqarneran-nut erngup nukinganik nukissiorfinnik
taakkununnгалu atatillugu atortunik sanaartornermut,
anigaasalersuinermut ingerlatsinermullu killiliussatut
atugassarititaasut pillugit Inatsisartut inatsisaata
allangortinneqarnissaa pillugu Inatsisartut inatsisaat"**

(Nunalerinermut, Imminut Pilersornermut, Nukissiutitut Avatangiisinullu
Naalakkersui-soq)

Inuit Ataqatigiinniit pitsaasutut isigaarput Naalakkersuisut danskit
Naalakkersuisuinut upernaag 2022-mi siunertamut anigaasalersuinissamut
isumaqatigiissuteqarmata tamassuma qulaajaaviginissaanut.

Inuit Ataqatigiinnit nuannaarutigaarput, minguitsumik nukissiuutitigut
piorsaaneq uani nanginneqartussanngortoq qulakkeerniarneqarmat.
Sumiiffinnimi erngup nukinganik sanaartornissamik tunngaviliineq Inatsisartuni
akueririigarput manna anigaasaler-sornerani ingerlatsinermullu killiliussat
inatsisip aallangortinneratigut qulakkkeerne-qalerpoq.

Nuannaarutissaavoq atuisunut iluaqutissartaqarnerpaamik siunertaqartumik
Naalakker-suisut piginnaatinneqarnissaat siunnersuummi siunertaammat.
Siunissaq isigalugu imminut akilersinnaasumik siunertap allangorani
ingerlaannarnissaa uani inatsimmi allannguinermi

INUIT ATAQATIGIIT INATSIARTUNI



allanngortinneqarnavianginnera oqaatigineqarpoq, tamanna iluarisi-
maarnarpoq.

Inuit Ataqatigiinniit taamatut oqaaseqarluta inatsisip allannguutissaa
tamakkiisumik taperserparput, kiisalu ataatsimiititaliamut susassaqartumut
ingerlateqqinnissaa innersuullugu.